

四庫全書

史部

欽定四庫全書

硃批諭旨卷一百二十六之五

硃批田文鏡奏摺

雍正三年六月初十日河南巡撫臣田文鏡謹

奏為恭報雨澤以慰

聖懷事竊查豫省各屬自本年五月十七十八等日以

前所得雨澤業經臣節次繕摺奏

聞茲又據開歸等八府所屬汝鄭等七州并所屬各州

縣報稱於本年五月二十一起至二十七日止連得大雨均沾普被十分透足又於六月初三日起直至初十日連日大沛甘霖雖間有止息之時然迄今陰雲密布天尚未霽不特四野霑渥抑且充滿有餘即匝月無雨田禾俱可豐收現今高糧蚤穀蚤黍盡皆秀實再至一月均可收穫登場其餘晚穀晚黍以及花豆芝麻等物亦俱各青葱遍野暢茂條達詢之老農皆云十餘年內從未有此

豐稔此皆我

皇上軫念民生至誠感召因而

上天垂眷五風十雨出諸意外實穎實粟大有可期

臣職

任封疆覩此休徵不勝歡欣踴躍之至所有豫省
得雨透足暨禾苗暢茂情形理合繕摺具

奏仰祈

聖鑒謹

奏

覽穀黍秀實情形不禁額手為豫民稱慶兼亦代爾欣
幸之至也

同日又

奏為遵

旨據實覆奏仰祈

聖鑒事雍正三年六月初六日臣齋摺家人回豫捧到

皇上硃批陞任布政使楊文乾奏摺一扣荷蒙

諭旨爾等撫藩俱忽畧矣此係田文鏡當具奏者等因

欽此臣伏讀之下不勝惶悚兢惕感激無地但臣
伏查豫省沿河各州縣地方自黃水漫溢之後將
納糧地畝變成鹽鹼沙土者比比皆是惟勤於力
田之民不惜工本時加耕耨地復成熟其間游惰
農民見有沙土即棄而不耕以致地漸荒蕪無可
播種蓋沿河地畝價本甚賤民多視為無關輕重
之物且民欲無饜一聞

皇恩敕查免糧無論沙土地畝紛紛具告即耕種地畝

亦希圖豁免槩行混呈故日前

欽差大臣來豫祥邑士民稟請於前原武滎澤等縣亦

相繼而具控也

臣蒙

民為邦本國與民原無分重輕只在秉公執中因時權

皇上隆恩至深至渥雖民生休戚固所當念而

度擇善而行耳

國計攸關亦宜熟計臣前於布政司任內即留心察

訪惟查據陽武封邱中牟三縣被淹尤甚民力更

難復委員密行查勘已得確實畝數然後敢於入

告今祥符等縣沙土鹽鹼地畝本來原甚有限且尚可

開種前據士民具呈臣已批發布政司確查詳報
在案又於五月內臣隨將祥邑所屬之南北兩岨
村莊諭令開封府密行查勘去後嗣據該府稟稱
各村所開沙地十分之中已種有四分現今禾苗
茂盛可望收穫其餘未種地畝多係當年逃荒在
外未歸民業遂致荒蕪等語至於原武滎澤等縣
臣查據各該地方亦間有鹵沙地畝今祥符縣沙
地荷蒙

聖恩諭臣具奏臣敢不再行遴委能員俟秋成後勘查
確實如果均係沙土鹺地糧無所出臣遵即繕摺
一并密

奏恭請

聖裁謹將從前未敢具

奏緣由先行繕摺覆

奏仰祈

睿鑒謹

奏

朕恐百姓致怨於汝因有前諭俟秋成後將三邑確實情形一并查明奏聞可也

同日又

奏為漕糧關係

國儲挽運必須協力懇請改歸屬縣以免推諉遲誤
事竊查豫省漕糧改徵本色米共一十萬四千餘
石折徵採買米共一十五萬餘石向受兌於衛輝

水次自衛輝府屬之汲縣挽運起歷淇縣湯陰縣
及直隸大名府屬之濬滑內黃等三縣并大名縣
之龍王廟止共計水程紆迴六百四十餘里其中
遇有淤淺之處惟在地方各官不分彼疆此界協
力刨挖深通建壩蓄水雇船剝運方克有濟是以
雍正二年十月內經副總河臣嵇曾筠奏請於淺
湍處所每年建築草壩束水浮舟嗣准部議奉
旨依議欽遵在案但豫屬之汲縣則與直屬之濬縣小

河口接壤豫屬之湯陰縣五陵集十里則與直屬之滑縣米善口接壤米善口九里十三弓則又至湯陰縣潘家灣塌河所由塌河所水路四里二百八十五弓又至滑縣地方由滑縣水路三里至直屬之內黃縣草坡地方由草坡水路十二里復至湯陰縣蔡家窰及北高堤等處由北高堤水路六里半又至內黃縣地方由內黃縣水路三里又至湯陰縣孟家灣由孟家灣水路三里又至內黃縣

林家灘由林家灘水路四里又至湯陰縣流水口
固城壩等處由固城壩水路十八里又至內黃縣
神廟竇公等處兩省地方極其交錯是以每當運
漕之時豫省撫臣飭發令箭委員督催出境糧道
則親詣守催而押運府佐等官復係各屬之上司
斷無不畏叅處怠玩從事之理若一交直隸地方
事係隔省毋論道府等官任意逍遙即地方各官
亦視為隔省上司無可如何莫不延挨推諉及至

淺阻移查則又皆捏詳支飾卸過於人而該管上司既存有彼此之見復不能親歷其地不過止據各屬稟詳空文塞責而已此豫省漕糧年年不免遲誤而押運等官所以屢被叅處者也臣仰懇

皇上俯念漕輶攸關隔屬呼應不靈將濬縣滑縣內黃等三縣改歸豫省之彰德衛輝二府就近分隸管轄庶事歸統一彼此不致掣肘至於運送漕糧每年挑淺築壩之費臣查據糧道衙門有鹽商節禮

銀四千一百兩開封府衙門亦有鹽規銀八百兩
現據糧道沈廷正開封府知府孫蘭芬俱稟稱仰
蒙

皇上天恩賞有養廉已自用之不盡所有鹽規願克公
用等語則是此項銀兩便可每年動撥銀三千餘
兩分發各屬一例建壩挑淺飛挽前進自無阻滯
之虞而於

國計民生實大有裨益矣是否可行臣不敢擅便伏

乞

皇上指示遵循臣更有請者前奉

諭旨河南糧艘向由大名一帶轉運但係灘河難免淺阻遲延可否由漳河挽運詳加詢明具奏等因欽此到臣臣隨一面細加察訪一面轉行糧道查議去後嗣據糧道沈廷正詳稱豫省漕糧若改歸直隸大名府屬之小灘鎮受兌本邑米石便有舟車盤運長途跋涉之難採買米石則又因小灘一隅之

地斷難買米一十五萬石之多且該地方百姓均
係回教無論牙行囤戶得以故高價值即買運堆
貯費亦浩繁官民受累莫可控訴并聞從前豫民
坐歇樹下亦要地鋪錢二三十文以每石六錢五
分之價買米尚恐不敷焉能供此需索今此案本
色米石應仍在衛輝水次受兌其採買米石不必
拘定水次何處買米即於彼處交兌等語與臣所
訪無異業經臣繕疏奏

聞奉

旨依議欽遵在案今大名府屬各官只圖便安不顧利害意欲改歸小灘以免貽累故每遇挽運之時竟高坐官衙任催罔應即偶或一來亦旋即回署不過飭委一二佐雜聊且塞責究於漕運毫無裨益倘蒙

聖恩將濬滑內黃等三縣改歸豫省管轄則統屬既專呼應自靈即不必拘定水次而漕運自不致遲誤

諸弊亦可盡絕矣再臣查沿途水次若建立石閘
須得三十餘座費既浩繁且恐流沙壅塞反多未
便每年只可建築草壩若遇水大之時益可暢行
實為妥便總之臣受

恩深重凡有一得之愚不敢不據實具
奏樂此不為疲雖多至數千百言未有不全覽者君臣
之間徒為此等套文豈非大笑談耶
皇上全覽施行為此繕摺請

旨謹

奏

據奏欲將潯滑內黃等三縣改歸豫省管轄以裨並漕
運利弊瞭如指掌深中肯綮似此抒誠直達毫無瞻顧
可謂於人臣奉公盡職之誼不忝矣已交發部議俟覆
到時酌定施行

同日又

奏為據實覆奏仰祈

聖鑒事雍正三年六月初三日據廣東撫臣楊文乾到

豫轉傳

上諭河南撫標中軍遊擊馬世龍漢仗弓馬俱優前在
浙江放賑甚好係極有良心之人朕因河南府城守
叅將缺緊要伊在豫年久以之陞補正是駕輕就熟
已用硃筆將伊名字記註在上上等內所註之處今
與爾看明於過豫時可傳諭田文鏡知并令馬世龍
知之欽此臣祇承之下感激難名而馬世龍同臣跪
聆

諭旨復不勝鏤心刻骨感激涕零回稱世龍惟有竭盡

駑駘勉做好官以仰報我

知道了

皇上高厚隆恩於萬一耳又據楊文乾轉傳

聖諭飭開賈魯河一事臣伏查此河前據楊文乾在布

政司任時即與臣商議欲行開挖臣思此河如果

工程告竣可以永遠通行原屬萬世無窮之利焉

敢不亟為

奏請臣隨查閱舊案自鄭州所屬之滎陽縣起至陳

州屬之沈邱縣止共計十一州縣紆迴不下千里
於康熙四十五年曾經開挖雖

題銷議捐俸工銀二萬九千餘兩然至四十七年七
月內工完合計派之里下及通省各屬公捐實動
用過銀二十餘萬兩迨後駕船試探其中或淺或
深竟不能暢行無阻蓋因豫省土性鬆散畧被風
雨吹刷兩岸所挑沙土即歸河道旋濬旋淤是亦
地土使然故不待河水衝決而數年之內深者尚

有河形淺者已變為陸地臣前與楊文乾面商時
并熟計黃河兩所荷蒙我

皇上軫念民生不惜百萬金錢

特命大臣董司其事復設立河員汎并分工堅築且仰
賴我

皇上至誠感格河靈助順即至萬載以後自可永慶安
瀾斷無漫溢衝塞之虞然臣所慮者新開河道兩
岸流沙勢必漸次淤墊而各處交通支河一遇山

水漲發盡歸合流又不免水去沙停即建閘築壩
設官設夫不時挑挖而每年錢糧糜費貽累更非
淺鮮且臣查鄭州屬之楊對橋地勢高下不等難
循故道開挖必須另開四十餘里方免阻隔若向
民間買地開河已得數萬金再加備料雇夫建閘
築壩一切動用等項費甚浩繁況查據康熙四十
五年之時費銀二十餘萬均係派之里甲今蒙

皇上愛養黎元諸弊盡革若俱照民間價值雇募採買

所費更恐不貲臣蒙

皇上隆恩畀以封疆重任凡有利益斯民之事焉敢不據實預陳其如開挖此河費既如此浩繁河又不能經久且細察近河民情亦誠恐堆積泥土侵傷地畝殊多不顧臣若不細加斟酌悉心諮訪輒聽浮言誑惑一時輕舉冒昧具

奏及至錢糧糜費功迄無成是即無事尋事臣罪尚何可追此臣之所以再三熟計而不敢遽為入

此事原非朕所亟欲為者爾之意見甚是

告者也今既蒙

試再加籌度如得便捷良法費既不至浩繁又可一勞

聖諭容臣再行確查逐細料估可否開挖另摺奏

永逸自應奏聞舉行否則竟中止耳

聞又蒙

上諭鄧州地方古來甚屬要緊陳綬來既不能勝信陽

之任又豈宜於鄧州等因欽此臣跪聆之下仰見我

皇上至聖至明無微不照臣自幼並未讀書實不知鄧

州係古來要緊地方而智識短淺更不能深思遠

慮以為目前似屬地僻事簡竟以信陽州知州陳

綬來調補鄧州冒昧具

題今蒙

皇上明白指示臣不勝慚悚兢惕感激無地可否將陳

已有

旨下部命將陳綬來以事簡縣缺調補文到之日

綬來仍留豫省遇有人地相宜之缺另請補授其

遵照

具題可也

鄧州一缺仰祈

皇上簡選能員補授庶要地得人而臣得收臂指之效
矣又蒙

上諭桃源集一案臣批委糧道沈廷正前赴該地方會

同直隸山東委員公同確勘去後嗣據沈廷正回稱未到之時內有紙坊一寨適因直隸查拏盜犯百姓誤聽訛傳恐被嚴處間有幾家驚疑躲避迨後宣布

皇上隆恩無非為弭盜安民起見竝無別意民情胥悅而潛避之民亦旋即歸里地方寧謐然小民甚恐歸并一省設兵彈壓以致滋擾等語臣復委員密設兵彈壓之宜與不宜要須審查地方形勢詳酌奏聞查據其回稱與沈廷正所言無異不敢上瞞

若云小民不願歸併一省是何言歟聽訛傳謾乃選
聖懷至桃源集地方臣細察民情與其歸并一省不如
避告諭之後旋即歸里明露有挾制情狀似此刁風何
可滋長朕意其間必有惡棍從中播弄希圖阻撓當留
心辦理務令歸併一省為合宜雖一時曉曉而久當
自定蓋既欲整理地方於類斯等處斷不可因循姑息
差委如係某地方盜賊即一面查拏報明該省督
撫存案一面交給該地方官收審庶三省聯界盜
賊該員均得查拏自無所容其躲避并無所容其
託足矣臣俟會同查議妥確謹再繕疏具

題以上各項理合繕摺覆

奏仰祈

聖鑒謹

奏

若今三省之民共聽一官約束則此一官即不得不為三省督撫之屬員矣試思銓部有斯等職銜否耶

同日又

奏為仰懇

聖恩逾格補授弁員以收得人之效事竊查臣標中軍遊擊馬世龍荷蒙

聖恩欽賜補授河南府城守營叅將所遺員缺關係緊要非得老成練達之員難以勝任茲臣查有臣標中軍守備張孟儀自康熙五十二年十一月內抵任迄今已經一十三載其人整飭營務訓練士卒素著勤敏兵民亦盡皆悅服抑且操守廉潔熟諳河工承辦事件從無遲誤雖漢仗不如馬世龍之

魁梧

二字竟成肺選武員之通病何可鍾此習氣

魁梧然亦相去不遠而該員實有志上進朝夕騎

射近日弓馬亦皆嫻熟又查雍正二年二月內有
奉

發來豫候補之年滿千總洪繼澤於雍正元年十二月
二十三日引

見奉

旨洪繼澤人明白欽此臣自到任以來觀其漢仗雖則
人若糊塗縱使胖大有何用處

瘦小然歷試以事果甚明白弓箭亦可學習且曾

經進藏著有勞績又雍正三年二月內有奉

發來豫酌量試用之三等侍衛白琦弓馬可觀為人誠

分發

各省侍衛率皆庸常不及者多留備不緊要之缺

實差委承辦事件小心慎密仰懇

聖主隆恩可否將守備張孟儀

徐徐補用可耳其中未必有堪揀選之材

簡補臣標中軍遊擊所遺守備員缺請即以洪繼澤白

琦二員內

欽賜一員補授不特地方得人而臣實收臂指之效矣

但是否有當臣不敢擅便仰祈

皇上指示臣即繕疏具

籍隸本省亦屬無妨但將情由聲明即不干吏議矣
題再臣伏查張孟儀雖係河南人由行伍在湖廣襄

陽鎮標左營歷任千把總與康熙六十一年七月

內所定督撫提鎮將在本籍歷任備弁之員仍題
補本籍都遊叅副將者降三級調用之例有間倘

蒙

聖恩特賜俞允或容臣遵照雍正三年五月內欽奉

諭旨過八月初一日再行送來引

見之

旨起送引

見或竟將守備張孟儀令其隨本赴京引

已有旨矣張孟儀至秋間隨衆輪班赴部引見

見伏候

聖裁臣為地方營伍起見故不揣冒昧繕摺請

旨謹

奏

覽

雍正三年六月二十一日河南巡撫臣田文鏡謹
奏為恭報雨澤以慰

聖懷事竊查豫省各屬自本年六月初十日以前所得
雨澤業經臣節次具

奏茲又據開封等八府所屬暨鄭汝等七州并所屬
各州縣俱報稱於六月十一日起至二十日止每
日日則晴霽夜即大沛甘霖不特四野十分透足
抑且均沾普被溝澮皆盈現今高糧蚤穀蚤黍等

類不過半月均可收穫其餘晚穀晚黍以及花豆
芝麻等類亦盡皆吐秀即至匝月無雨豐收可必
詢諸老農皆云二十餘載無此暢雨民情胥悅此
皆仰賴我

皇上至誠感召之所致也理合繕摺具

奏仰祈

聖鑒謹

奏

直隸山東近日雨皆過多禾稼頗有防澇之慮據奏豫省二十日以前晴雨各適其宜但未知以後光景如何耳

同日又

奏為責成河道兼管河兵以免曠工以收實效事竊臣伏查豫省南北兩岸堤工仰蒙

皇上隆恩不惜百萬金錢設官修築遂使河流底定得奏安瀾又因原額堡夫不足防禦

特諭調撥江南河兵來豫修守隨經河臣齊蘇勒抽調
十河營兵一千名千把總六員分派險要協力防
範嗣因正副河臣議請裁去堡夫以致上厯

聖懷諭令詳悉斟酌議奏復經副河臣嵇曾筠

奏請停裁經臣

題請照舊仍留并令堡夫跟隨河兵學習樁埽鑲墊
等事於每年南兵將換之時試驗得實即准其拔
作河兵以免淮兵遠涉之勞俱經部覆奉

旨依議欽遵在案臣思堡夫之學習樁埽必須分責河員董率稽查方克有濟或一月一試或按季一驗內有教習勤而成就多者則給賞以獎勵之或有懶於指示怠於學習者則責治以儆戒之庶河兵堡夫交相勸勉不過二三年內堡夫亦盡皆諳練明白均可拔作河兵無庸再調南兵矣茲臣查據撥到河兵雖有千把總六員為之統轄然而官卑職小其勢不能約束至於印河各官則又文武不

相統攝毋論著令教習堡夫勢固有所不能即遇
有險要工程亦多不服驅使委任雖有河兵之名
究難收河兵之效臣愚以為守巡二道舊有兼帶
兵備之銜而撥到河兵又無操演營務之事原與
堡夫不相上下似應責令管河道統攝稽查并分
責各河同知董司教習如有抗玩怠惰者許管河
道徑行責治并許各河同知會同千把總究處如
此河兵必咸知約束不敢抗違而堡夫學習樁埽

等事亦易於成功矣至於責令管河道兼管河兵之處亦不必格外紛更止將管河道

敕書內加入此款即可遵循但是否有當臣不敢擅專

仰乞

皇上指示以便臣會同河臣恭疏具

題伏候

敕部議覆為此繕摺請

旨謹

奏

會同河臣具疏題請聽候部議

同日又

奏為請

旨事竊臣伏查豫省直隸知州嗣准部咨令臣於本省

知州內揀選調補如無可調之員即於知縣內擇

其才守素著明敏練達者保題陞補在案嗣臣查

有光陝二州員缺隨於現任知州內選有鄧州知

州高鎮堪補光州知州於知縣內選有儀封縣知
縣袁珂堪補陝州知州又汝州一缺因現任知州
童守祿才具平常選有上蔡縣知縣張球堪以陞
補再汝寧府屬之信陽州雖非直隸界聯楚省兩
驛事繁現任知州陳綬來才乏肆應選有鄆陵縣
知縣孫國璽堪以陞補其鄧州員缺請即以信陽
州知州陳綬來調補鄆陵縣員缺請即以汝州知
州童守祿調補儀封縣係臨河縣分員缺例應保

題請以商水縣知縣吳耀調補至上蔡商水二縣
員缺聽候部選經臣恭疏具

題在案於雍正三年六月十四日臣接准部咨奉

旨高鎔等依議補授俱著調來引見信陽州知州陳綬
來人平常著該撫於事簡縣分具題調補信陽州知
州員缺將卓異官員引見餘依議欽此到臣臣於祇

承之下不勝感激無地但臣細繹部咨鄧州知州
高鎔准其調補光州知州儀封縣知縣袁珂准其

陞補陝州知州商水縣知縣吳耀准其調補儀封
縣知縣鄆陵縣知縣孫國璽准其陞補信陽州知
州信陽州知州陳綬來准其調補鄧州知州汝州
知州童守祿准其調補鄆陵縣知縣至上蔡縣知
縣張球有經徵承追未完事件所請陞補汝州知
州之處無庸議則是上蔡縣知縣張球不在陞調
之列矣而部咨又開該撫請將鄧州知州高鉞儀
封縣知縣袁珂上蔡縣知縣張球鄆陵縣知縣孫

國璽給咨赴部引

見等語臣部除奉

特旨調來引

見外其餘論俸推陞題補各官概不引

見在案應將該撫所請給咨高鏌等赴部引

見之處亦無庸議等因臣細繹部文竝未將上蔡縣知

縣張球扣除而伏讀

聖諭復有俱著調來引見之

旨又似應將張球仍令赴部引

見再查信陽州知州陳綬來奉

旨著臣於事簡縣分具題調補信陽州知州員缺將卓

異官員引

見是鄧州一缺現在乏員補授而請補信陽州之鄆陵

縣知縣又現無任可到又查部咨內開汝州既係

直隸令臣在於現任州縣內揀選合例之員保題

調補但臣查直隸知州有表率稽察之責與知府

無異今通省州縣各官內操守廉潔者尚有而才
具優長者絕少求其才守素著明敏練達合例之
員實再無一人可以題補伏乞

皇上將汝州一缺統於卓異官員內一併

簡選補授其上蔡縣知縣張球鄆陵縣知縣孫國璽應
否并令赴部引

見之處臣不敢冒昧具

題亦不敢擅請部示以致駁飭總之臣蒙

皇上隆恩不啻天高地厚凡有

奏請之事莫不仰蒙

聖恩逾格容納今此案陞調引

見各官伏祈

皇上睿鑒俯賜指示遵循為此繕摺請

旨謹

奏

該部詳議具奏

同日又

奏為據實奏明仰祈

聖鑒事竊查衛輝府叅革知府吳柯等十案虧空內除
認徵有抵外其餘本犯力不能全完之銀米穀石
經前任撫臣石文焯具摺

奏請著落原任撫臣楊宗義代為賠補奉有

諭旨嗣據楊宗義陸續交貯司庫共銀五萬四千一百

兩復經臣節次

奏明在案茲據陞任布政使楊文乾詳稱并署布政
司事按察使張保摺開楊宗義所交代賠吳柯等
案銀五萬四千一百兩發給各該府縣將各案虧
空銀米穀石採買撥補代賠全完因時價平減除
用去外尚餘銀一萬二千三百八十一兩零據楊
宗義情願歸公等因臣伏查康熙五十九六十一
年截留漕米并太陽渡收捐米麥內除運交河南
府米十萬石已買還穀二十萬石外尚存米麥二

十萬三千餘石已蒙

聖恩俞允現在平價糶賣俟秋收一米二穀買補還倉
便有四十餘萬石之多自非原倉可以貯存而各
屬現存常平新建等倉穀又不下一百七十九萬
餘石加之雍正三四兩年帶徵民欠未完漕米徵
還穀石及各案虧空買補倉穀并此十案虧空所
買米穀日積日多倉廩不敷或分堆寺廟或賃貯
民房甚有盈千露處無可堆貯者現據各屬紛紛

詳請添蓋倉廩以圖經久似應將前項剩存銀兩
查明貯穀多寡應添房屋若干據實確估分給各
州縣及時蓋造庶免露處疎忽之虞但是否可行
臣不敢擅便伏乞

皇上指示遵循為此謹

奏

此議甚好積貯最為要務各項米穀須加意珍惜毋致
少有狼藉

同日又

奏為據實覆奏仰祈

聖鑒事竊臣於雍正三年六月十三日據臣齋摺家人

回豫捧到

皇上硃批臣恭謝

天恩一摺荷蒙

諭旨若不如是委託信任俾爾臨事趑趄何能承流宣
化整理地方但常懷不忍負之心斯已耳何用謝為

欽此臣跪讀之下不勝感激涕零悚惶無地伏念
臣本庸愚毫無知識而性又孤介從無一人引為
同心惟仰賴我

皇上特達之知畀以重任臣因不避嫌怨動輒招尤又
蒙

皇上天恩屏絕衆論逾格保全

知遇之隆誠千古未有一時僅見雖無知如草木亦必
欣欣向榮蠢動如禽魚亦必沾沾向化況臣具有

心胸能不鏤心刻骨感激思奮所以臣自始至終
即一介之微亦斷乎不取惟仰遵

聖諭恪守清慎勤和四字實力奉行而此不忍負與不

敢負之血誠無論瞬息寤寐臣實可以質諸

果能如是堅守不移有何可言善始克終方稱為大丈夫

上帝仰邀

夫我君臣期共勉之
聖鑒者也又臣覆

奏年羹堯車輛暨河北鎮臣紀成斌一摺荷蒙

諭旨所訪紀成斌之處已悉佟世麟居官何如更訪以

聞欽此臣伏查佟世麟為人氣高自大操守亦甚平

常且於營務諸事殊多不諳今蒙

從前既聞其好不料乃爾
聖諭臣不敢不將所見所聞之處據實具

奏再查豫省今歲伏汎雖據印河各官報稱本年六

月初一日起至初九日止中牟縣之拉牌寨新莊

等處儀封縣之三家店鄭州屬之薛家寨來童寨

等處水長至二尺餘寸及三四尺不等又封邱縣

黃水漲發陽武縣沁水入黃竝皆出槽漫溢工程

亦間有危險之處所幸水勢隨長隨消自六月十
一日以後抑且有消無長日漸歸槽而印河各官
晝夜住宿工所協力修守防護現今堤工俱各平
穩不敢上塵

聖懷又臣前

奏祥符中牟太康等三縣承築南北兩岸大堤今據
各該縣報稱俱已盡數全完惟雨淋水刷之處現
在鑲墊整齊夯硤堅實亦指日可以告竣恐塵

聖懷合并奏

現在雖云鑲墊整齊然必待二十一日以後報到朕方

敢釋懷也
聞又奉

發來豫河工効力贖罪之胡期恒前到豫省即繳銀四

千兩業經臣繕摺具

奏奉有

諭旨遵即飭令管河道查收訖今又據胡期恒繳貯河
道庫銀六千三百兩二共交過銀一萬三百兩仍
令其作速湊辦効力贖罪仰祈

聖鑒謹
已另有諭旨矣

奏

覽

雍正三年七月初六日河南巡撫臣田文鏡謹

奏為恭報雨澤以慰

聖懷事竊查豫省各屬自本年六月二十日以前所得

雨澤業經臣節次繕摺奏

聞茲又據開封等八府所屬以及汝鄭等七州并所屬

各州縣俱報稱於六月二十一起至二十九日
止連日雷雨傾盆不特溝澮皆盈抑且低窪地畝
多有積水臣隨查據衛輝府屬之延津縣彰德府
屬之磁州河南府屬之洛陽偃師二縣晚禾豆苗
雖間有被淹之處幸而水勢隨積隨消且自七月
初一日起天時連日晴霽田禾盡皆露出不致損
傷可以仍望全收不敢上廛

聖懷至於高糧早穀早黍現今漸次登場其餘晚穀晚

聖懷又臣於本年七月初二日聞得江南邳州南岸朱家海地方於六月十五日漫決大溜竟由宿遷虹縣泗州而達洪澤湖其缺口之下正河淤淺水不下流而漫溢處所又未成河形水雖散漫未能暢洩而豫省歸德府屬之虞城縣堤工與江南接界甚為緊要臣恐下流淤淺上游水長隨嚴飭印汛各官設法防範務保無虞合併奏

聞仰祈

聖鑒謹

奏

如此在地方上憂勤不懈何事弗克辦集耶勉之

同日又

奏為錢糧酌量撥解司庫少留存貯仰祈

聖裁事竊臣伏查各省錢糧每歲正供所入除俸食兵

餉工役動用之外春秋二撥悉令解部一以使府

庫豐盈度支優裕一以杜外官侵蝕易於稽查政

誠善也然臣以為

內帑固當有餘而司庫亦不可使有不足臣不敢妄
陳他省惟在豫言豫臣查雍正二年春撥雍正元
年丁地銀三十萬兩兩次湊解銀二十萬兩外尚
有未解銀十萬兩據陞任布政使楊文乾詳稱正
在湊解間接奉副總河咨令於司庫內撥銀五萬
兩以為雍正三年歲搶修之用又欽奉

諭旨將司庫錢糧撥銀五萬兩交與副總河相機料理

查司庫無項可動僅有署司移交候解京餉銀并
前造春撥冊內實在貯庫項下康熙六十年丁地
款內銀共五萬兩解交副總河查收又將署司交
存康熙六十年丁地款內支剩銀并新收雍正二
年丁地銀共湊五萬兩解交河道查收是庫內並
無存貯未完尚未徵收萬難設法惟有飛檄各州
縣將雍正三年錢糧速徵解司先抵奉撥雍正元
年未解之十萬兩再陸續催解并抵康熙六十一

年丁地解部之項惟是本年春撥在即大部復行撥解勢難兩全必致顧此失彼請將雍正三年錢糧暫停動撥等情臣正在咨部候覆隨接准部咨為請定酌撥條例事本年春撥已將存貯司庫銀二萬八千五百一十七兩盡數撥解內有太行堤工餘剩節省銀二萬三百八十七兩零原係題明留為民壯工食之用一併撥解在內又經咨明嗣准部覆令臣即行解部其民壯工食於本省各年

未完民欠銀內催徵補項在案則是豫省司庫之
空虛如此那移湊墊甚屬拮据萬一偶有急需司
庫無預儲之項將何支應況河南居天下之中實
京畿之門戶關係非小茲為

國家圖萬全求盡善不可不預儲克實以資用度臣
請

皇上聖裁嗣後或隔一年撥解如雍正三年支剩錢糧
寬至雍正五年春秋兩撥解部或與別省輪流分

年起解免令十二省一時並撥或將地丁錢糧照例起解其餘追補虧空并贓罰等項銀兩暫緩解部以實司庫庶幾緩急有資內外如一至於布政司係錢穀總匯旬宣大吏皆由

皇上簡拔必得其人斷不致再有虧空況定例甚嚴凡有那移俱以侵欺治罪孰敢不兢兢守法且與督撫同居省會朝夕可以盤察臣請嗣後司庫錢糧循例專責督撫稽查一有虧空除布政使照例問

擬外將督撫一併從重治罪勒令獨賠則可以永絕虧空之弊矣但臣質本庸愚不自知其言之有當與否臣言非是仰祈

皇上隆恩鑒宥留中不發倘有一二可採伏乞

皇上特降諭旨免臣具本

奏請則臣頂戴

天恩於無既矣為此具摺密

奏

向來延捱緩解之弊朕所稔悉此處絲毫無容寬假果
地方上存貯無多有實難起解緣由怡親王管領司農
自能秉公調劑不致謬誤當備叙咨明候王酌量通融
設或暗藏那移牽扯情故非如昔日夤緣請託即可以
支吾掩飾也王之無私朕可力保

雍正三年七月十五日河南巡撫臣田文鏡謹

奏為直陳汎水漫溢情形仰祈

聖鑒事竊查豫省今歲伏汎勢甚汹涌幸而保固平穩

業經臣於本年七月初六日繕摺奏

聞不謂入秋以來自七月初四日起大雨連綿黃水陡漲且伊洛沁水一時並皆長發而江南朱家海漫溢缺口之水未能暢洩正河又復淤淺水不下流以致上游有長無消自七月初六日起至十四日止共長水至四五尺及六七尺不等各處堤岸高出水面僅止一尺至二三尺不等并竟有水與堤頂相竝者其餘如祥符縣之程家寨鄭州屬之薛

家寨陽武縣之金馬張儀封縣之南北兩岸堤工尤為危險臣不禁憂心如焚寢食俱廢隨移咨副河臣嵇曾筠相機上緊料理并委員四路週流巡查督催搶護復嚴飭管河道暨印河各官無分風雨晝夜率領兵夫住宿堤上多備料物設法捍禦協力修防并檄飭管河道前赴南北兩岸堤工逐細確查於七月初七日據管河道回稱虞邑待賓寺迤西一帶工程勢亦危險幸皆鑲墊平穩於七

月初八日又據鄭州詳報薛家寨工程危險臣隨
即飛飭管河道星詣該地方督同廳汛印河各官
作速竭力修防甫據管河道回稱工程已保平穩
又於七月十三日據南河同知劉永錫稟報祥邑
之程家寨勢甚危急又嚴飭管河道攜帶帑銀前
赴工所設法防護臣正在繕摺具

奏間不期七月十四日酉刻據臣差巡南岸東首堤
工之把總趙璉回稱儀封縣知縣袁珂因北岸堤

工危險該縣過河搶救忽於本月十三日二更時
分狂風大雨頃刻水長南岸大寨地方大堤陡被
黃水漫溢缺口一十餘丈又於本月十五日辰刻
又據蘭陽縣報稱本月十三日酉刻狂風驟雨頃
刻水長漫溢北岸板廠後地方大堤缺口一十二
丈臣聞報不勝神魂悚惕隨一面飛飭管河道并
廳汛各官防護堤頭并多備料物埽箇立即搶救
一面飛飭開封府星詣該地方多備船隻接濟被

水災民加意撫恤毋致失所臣隨於本月十五日親詣漫溢處所督率各員相機搶救并查明缺口丈尺以及進水遠近民間田廬臣再另摺具

奏并會同河臣繕疏

題叅所有儀封縣南岸大寨堤工蘭陽縣北岸板廠後堤工漫溢情形合先繕摺奏

聞謹

奏

候另有諭旨從部頒發

雍正三年七月十九日河南巡撫臣田文鏡謹

奏為缺口之流水已斷居民之田廬無恙謹據實詳

陳以慰

聖懷事竊查儀封蘭陽二縣南北兩岸堤工均於七月

十三日因大風驟雨頃刻水長各將堤岸漫開一

十餘丈業經臣於本月十五日繕摺奏

聞臣隨兼程前赴各漫溢處所親自勘查間適據副河

臣嵇曾筠亦先後趕到臣隨會同嵇曾筠逐一確查所有儀封縣南岸漫缺大堤離黃河十有餘里先因大堤之外民堤被水漫溢次將大堤漫開實止一十餘丈而堤內積有雨水內外相平其勢甚緩竝未掣動大溜至黃水與清水合流離缺口沿堤往東二十餘里至儀邑之石家樓地方而止往南一十餘里即儀封縣城城外有護城堤以止水且東南地勢均高於北繞堤至城南半里而水竭

約計水深止二三尺不等竝未損傷人民其民間房屋土牆內有一百餘家雖未坍塌倒壞然不無稍被水浸之苦臣現在嚴飭該地方官逐一查明加意撫恤務令得所不致上廛

聖懷至堤外黃水業已歸槽灘皆涸出堤內積水值今天時晴霽其涸亦自可以立待又查蘭陽縣北岸大堤離黃河十里堤外舊月堤漫缺二口將未估加幫大堤漫開一十餘丈亦因堤內積有雨水其

勢甚緩清水與黃水順堤往東合流約長二十餘里至蘭邑所屬之傅家寨而水竭散漫往北約寬八里至洮濱河而水止初時水深二三尺不等現今地土盡皆涸出竝未掣動大溜口門業已淤塞至水過之處村莊少而地畝多竝未傷及人民其草屋土牆幸未倒塌而地內高糧黍子尚有收穫其餘未經被水秋禾俱係十分收成雖內有畧被黃水之一百餘戶臣已嚴飭該地方官加意撫恤

毋致失所且喜黃河水勢於本月十四日起至十九日止隨即盡消共落水七八尺不等已盡歸槽兼之連日天時晴霽水更易消工亦易趲其蘭儀二邑修築缺口工程每處約費銀三千餘兩臣與副總河臣嵇曾筠面商趁此水勢消落汎水未長之時先借動河庫銀兩分發廳印河員協力上緊補築一律完固務保無虞約計旬日之內俱可告竣統俟工完之日臣再另摺奏

聞其用過銀兩據儀封縣知縣袁珂蘭陽縣知縣佟國芬情願竭力賠補還項斷不敢使庫帑久懸至於堤岸漫溢防護各官固難辭疎忽之咎但臣查七月初四日起連日大雨傾盆以致黃沁伊洛等水同時並長較之去歲秋汛水尚大二尺有餘且七月十三日風大雨驟工程在在危險人力實係難施儀封縣北岸堤工共有五處危險知縣袁珂同管河同知張近光實在北岸搶護一時不能兼顧

致有疎失蘭陽縣缺口處所原係未估加幫大堤
年久不免殘缺其情皆有可原今此項修補銀兩
又已據各該員情願設湊賠補且缺口之處與民
間田禾所損無幾而水已盡涸工程亦甚平易副
河臣與臣再三斟酌查據二處堤工實與搶險無
異似可無庸具本入

告且伏思我

皇上聖德如天諸從寬典疎防各官可否免其

題叅臣等不敢擅便

洪恩出自

聖裁再臣因勘查已確水勢已退并將一應修築事宜

與副河臣嵇曾筠已商酌妥確無庸臣駐劄河干

擬於本月二十日回署所有勘查缺口水勢情形

理合繕摺奏

聞謹

奏

知道了已有旨矣

雍正三年七月二十八日河南巡撫臣田文鏡謹

奏為據實奏明仰祈

聖鑒事竊臣伏查守備陳丙第等侵扣兵餉一案臣接准部咨隨檄按察司審解去後嗣因限滿未據招解業將承審遲延各官職名經臣咨叅在案今復叅之限又屆尚未審明因將承審之衛輝府知府張建德等調至省城令其作速審解茲據張建德

將供情錄報到臣臣細查其中情節若任其指借則供吐游移難以結案若據實審

題則與鎮臣紀成斌不無干礙但紀成斌職任封疆非臣所敢擅便應否據實嚴審明確如紀成斌果有情弊容臣一併隨招附叅伏乞

皇上指示遵循除將審案供情另摺備叙恭呈

御覽外為此繕摺請

旨謹

奏

聽訟不得其情成何信案審題若不據實奚啻弗訊紀
成斌可以曲全則為之稍寬一步必不能寬自應據事
直陳候朕裁酌耳

同日又

奏為教缺不可久懸衰老實難勝任敬陳一得仰祈
睿鑒事竊學校為人才始基之地教職為首端士習之
員不但諸生文藝賴其考課即人品行誼經綸治

術莫不當躬先表率預為講貫此教職之責為甚
鉅而其任為甚重也雍正元年二月初八日欽奉
諭旨教職等官係專教士子之人今准捐納以致不通
文理少年反為學問優長年老者之師可乎伊既捐
納應照伊品級別任調補之處交與該部議奏欽此
仰見我

皇上聖鑒甚明而年少文理不通之人不得為學問優
長年老者之師矣又於雍正二年六月十五日准

吏部咨議覆吏部侍郎沈近思條奏捐納現任教職以五年為限任滿之日令該撫將才具優長年力壯盛者出具考語保送照例改補未滿五年者俟其滿日陸續分別保送內有老憤陋劣不能稱職者令其休致等語則是教職一途已經廓清將來不致壅滯矣但臣蒙

皇上殊恩簡畀巡撫任事以來准部選豫省教職共一百二十三員內除病故者二十四員老病者二十

五員迴避者一員名字訛錯查無其人者一員未據送考者十員會試中式者一員考准給憑赴任者止六十一員現在教諭訓導懸缺無人者共六十二缺揆厥由來蓋緣吏部按冊銓選竝不知其人之存亡老病及憑發到省轉行地方官查催赴任則其人或病故已久或衰憊不堪紛紛詳覆始將原發文憑繳部另選雖准吏部咨令臣將在籍候選之員凡有丁憂事故按月造冊報部以憑銓

選而現選之員仍復有事出意外者總因老朽衰
殘風燭不定之故以致員缺終不免於久懸者也
又查定例以進士選府衛教授舉人選州學正縣
教諭恩拔副榜選復設教諭由廩生挨出歲貢選
訓導則是訓導一缺止有挨貢可選再查雍正元
年四月初三日准到吏部咨候選訓導貢生現選
康熙三十三年廩生挨出歲貢其餘自三十五
年起按年陸續造冊送部則是目下所選之訓導

尚係康熙三十四五年之揆貢也其人即自二十歲補廩約越三十年出貢再越二十餘年銓選已經七八十歲矣臣每於考試之時留心驗看類多年老即給憑赴任之六十一員除舉人恩拔副貢或有年止五六十上下者其餘均屬七十左右之人但耳目尚能視聽步履未甚艱難故敢令其赴任再下一等不但目瞶耳聾即行動起立之間似非扶掖不可考試亦不能成篇若容其到任安能

訓迪士子臣因學校為重不敢給憑繳部另選此
員缺又必至於久懸者也及至另補有人發憑到
豫查驗之下仍復如前臣竊思教職雖屬閒員關
係實屬緊要即現任內有年殘病廢者亦須會同
學臣不時叅革豈可以新選之員聽其赴任輾轉
咨補而所屬教職之缺竟有經年缺官者矣臣請
嗣後照雍正元年十二月初七日所定令直隸各
省督撫每於鄉試事竣會同主考驗看舉人之例

俟學臣歲科兩考完竣之日該督撫會同學臣將
通省廩生挨出之貢生傳集秉公驗看凡年力精
壯並無事故者按定次第將補廩挨貢年分彙造
清冊送部銓選其老病者亦另造一冊送部以便
查核如此則所選之員皆可勝任無庸繳憑另選
以致懸缺久待且刪除老病不選則近年新貢亦
得早膺除授不待久遠候缺以致年老殘廢矣抑
臣更有請者捐納教職五年任滿者令臣考驗將

老憤不堪者即令離任其才具優長年力壯盛限滿各員俟新選人員到任後再令離任照例送部
臣考驗過任滿捐納教職內儘有才品優長年力壯盛之員現在留任交代者四十六員雖仰蒙

皇上天恩教諭調補縣丞訓導調補主簿然人多缺少未免守候而歲月蹉跎又復老去殊屬可惜除俊秀捐貢外內有原係廩增附生員捐貢者可否令學臣嚴加考試若果文理優通將試卷送部閱看

如新選有人准其仍在本省以教職補用如新選尚未到任准其仍留原任庶各該員得以乘時效力自必感激

皇恩益加勉勵而學校均可收得人之效矣是否臣言可採伏乞

皇上敕部施行謹

奏

該部議奏

硃批諭旨卷一百二十六之五

欽定四庫全書

史部

硃批諭旨卷一百二十六之六

臣 永瑤 恭校

編修_臣 裘謙 覆勘

總校官中書_臣 朱 鈐

校對官中書_臣 王鍾泰

謄錄監生_臣 金 特

欽定四庫全書

硃批諭旨卷一百二十六之六

硃批田文鏡奏摺

雍正三年八月初三日河南巡撫

臣

田文鏡謹

奏為據實奏明仰祈

聖鑒事竊查蘭陽儀封二縣南北兩岸堤工於七月十

三日因風大雨驟各將新舊大堤漫開一十餘丈

臣聞報隨飛檄管河道查取疎防各官職名會疏

題叅并一面連夜前赴各該地方親自勘查間適據

副總河

臣

嵇曾筠亦趕到工所

臣

隨會同嵇曾筠

逐一確查即於堤上面商

題報而嵇曾筠即向

臣

說缺口無多水勢亦緩况堤

工漫塌亦非美事若一經具題不免天下皆知先

繕摺奏請

皇上指示再為遵行

臣

伏思我

皇上聖德如天每多寬宥且查據黃河水勢已漸次消

減兩岸外灘盡皆涸出竝未掣動大溜工程亦甚
平易又據承築各官情願竭力賠補剋期便可告
竣而副總河係總理河務之員臣亦未便故為堅
執因商酌已妥臣隨將入

告之意與嵇曾筠說知即於七月十九日查勘確實繕
摺具

奏臣正在伏候

諭旨到日奉行不謂嵇曾筠忽於七月二十五日札移

會稿著臣註題臣随作字轉致尚未奉有

諭旨随即具題恐致上厯

聖懷且與前日請

旨奏摺甚不相符乃又於七月二十八日復接嵇曾筠
來字內云堤上之言實已心誌何敢矛盾萬一隣
封入

告反蹈隱飾之咎已於二十六日卯時拜奉矣仍將會

稿囑臣註題臣不勝駭異因思此案已經具

奏便非隱飾且嵇曾筠既欲

題報即不應與臣會商各繕摺

奏請乃竟不候

諭旨輒行註列臣銜繕疏具題則臣前日之

奏不幾誑瀆

聖聰狂悖已極罪何可逭除將會稿移還副河臣嵇曾
筠外所有微臣不敢欺誑與本內竝未列銜情由
理合據實

諒伊或因都中有信致生此番更改耳

奏明仰祈

聖鑒再臣查據儀邑缺口已於七月二十八日申時將民堤合龍指日大堤亦可告竣其蘭邑缺口亦甚平易而副河臣嵇曾筠每事游移全無定見反致承築各官無所適從現今汎水長落無定尚未告竣設或再有疎虞臣雖非專理河務之員但職任封疆罪亦難逭因不避嫌怨已檄委糧道沈廷正前赴工所嚴飭廳汎印河各官多備料物人夫晝

夜上緊作速搶修務期剋日完竣以禦汎水如再
刻遲即令取具職名揭報

題叅不敢上履

聖懷為此謹

奏

知道了

同日又

奏為奏請預買穀石以實倉廩事竊查豫省康熙五

十九六十一兩年截留漕米以及康熙六十年陝
州太陽渡捐收米麥共二十萬三千四百餘石臣
因歷年已久恐致黴爛於雍正三年二月二十四
日具

奏請將前項米麥令各州縣於青黃不接之時減價
平糶價銀解交司庫俟秋收後即將所糶銀兩買
穀分貯穀少之州縣以圖經久荷蒙

聖恩敕部議覆奉

旨依議欽遵在案嗣據各州縣陸續糶賣因為數已多
一時未能糶盡現今又值秋收仰賴我

皇上誠敬昭格各處豐稔年登大有米穀價值甚是平
減臣思所糶米麥目下百姓買食甚少而價值又
賤須俟明歲正二三月青黃不接之時方能糶完
若待明歲秋收買穀還倉不免中隔一載臣請將
現存司庫耗羨內借動銀兩并將已糶之價銀當
此穀價減賤分給穀少之州縣立即買穀貯倉俟

米麥糶完之日照依原動數目歸還司庫其各州
縣買貯若干臣再造冊送部查核一轉移間而現
糶之米麥庶不致賤售未買之穀石已均得實貯
於

國計民生大有裨益矣但是否可行臣不敢擅便伏
乞

皇上訓示遵行謹

奏

因時制宜甚屬妥協應如是通融辦理

同日又

奏為據實覆奏仰祈

聖鑒事竊臣前具奏請酌留司庫錢糧一摺荷蒙

硃批諭旨到臣臣伏讀之下仰見我

皇上至聖至明無微不至無遠不屆但臣受

恩日深圖報益切因見司庫錢糧甚屬拮据萬一偶有

急需無可支應關係匪小苟有芻蕘之一得焉敢

不據實陳

奏今蒙

聖諭諄切教導不覺愚昧頓啟感激無地至於怡親王之秉正無私公忠體

國則又臣素所欽服倘有不能應解之處臣遵當咨請酌量通融以副

聖懷又臣恭報雨澤一摺奉有

硃批諭旨仰見我

皇上軫念民生有加無已臣查自七月二十六日以前
所有豫省晴雨日期業經臣節次繕摺

奏明茲伏查自七月二十七日申時起至二十八日
卯時止復降微雨幸今天時連日晴霽即間被水
淹之處自可漸次經理但臣於七月二十八日接
閱汝寧府屬之汝陽縣來稟該縣因檄委監查光
州倉庫見沿途各屬所種田禾並皆十分暢茂而
晴霽日多猶需雨澤則天時之不同地理之各別

不啻相隔徑庭而延津洛陽等十餘州縣低窪地
畝所以被淹猶幸無多也至於直隸雨澤雖亦過
多然臣伏思

皇上至誠感召自必即日晴霽仍慶豐登也理合繕摺
覆

奏仰祈

聖鑒謹

奏

豫省近日以來雨水情形知道了延津等處被淹窮黎
務令均沾實惠勿致虛應故事

同日又

奏為欽奉

上諭事竊臣於雍正三年閏四月初六日將豫省各州
縣欺隱在官地畝繕摺

奏懇免其按律治罪准令當年陞科荷蒙

聖恩俞允嗣據署布政司張保詳據各屬報到民衛更

名共計折實地二千五百七十八頃九十一畝零
照依賦役連閏并補徵則例共該錢糧六千四百
七十二兩零經臣於雍正三年正月十七日繕疏
具

題嗣奉部駁臣現在查核咨覆今據布政司黃焜於
雍正三年七月初一日呈報續據封邱鹿邑等一
十九州縣共報民衛更名地一千六百七十一頃
二十六畝零應納錢糧四千四百四十五兩零應

否亦即造報雍正二年當年陞科等情到臣臣查
據前項地畝若再造報雍正二年陞科不免有礙
奏銷隨飭司造報雍正三年當年陞科俟彙冊詳
報到日臣再另疏具

題外所有雍正二年已收錢糧四千四百四十五兩
零可否令布政司提貯司庫充公伏候

聖裁又臣查據汝寧府屬之確山縣有已經

題報雍正十一年起科地二百二十四頃六十一畝

零每年應納錢糧一千一百六十四兩零臣請自
雍正二年起至雍正十年止將應收錢糧按年提
貯司庫克公俟雍正十一年照例徵糧歸入奏銷
又據確山縣有已經

題報雍正三年起科地二十頃四十六畝零除自本
年錢糧入冊徵解外其雍正二年已收錢糧一百
六兩零亦應提貯司庫克公所有前項續報地畝
以及應即提貯司庫克公銀兩理合繕摺據實

奏明謹

奏

田文鏡此摺朕反覆披閱殊多不解該部密議具奏

同日又

奏為恭謝

天恩仰祈

聖鑒事雍正三年七月二十六日臣齋摺家人回豫恭

捧

皇上御用鮮荔枝一器

欽賜到

臣臣

隨郊迎至署恭設香案望

闕叩頭謝

恩祇領訖伏念

臣本庸材仰沐

皇上隆恩至深極厚清夜環思捐糜莫報乃復荷
聖恩錫之珍品貢自南邦丹罽徹離明之艷頒諸

北闕瓊漿含

上苑之香驚物候之已新疊邀

殊眷愧赤心之未報徒切素餐臣欽承

恩賞感激難名惟有愈竭駑駘永堅清白以仰報

高厚隆恩於萬一耳所有微臣感激私忱理合繕摺

奏謝為此謹

奏

覽奏謝知道了受寵若驚固屬人臣分所當然第貴常
念勿忘耳

雍正三年八月二十八日河南巡撫臣田文鏡謹

奏為據實覆奏仰祈

聖鑒事竊臣於雍正三年八月初四日接准部咨內開
欽奉

上諭儀封蘭陽兩處衝決堤工可星速會同副總河嵇
曾筠督率各屬河員併力搶築務期永久堅固等因
欽此欽遵臣伏查儀封縣缺口已於七月二十八
日將民堤合龍經臣奏

聞在案今據南岸管河同知劉永錫稟稱儀邑大堤已

於八月十一日合龍現在加高鑲墊指日可以全
完其蘭陽縣板廠後缺口先據副河臣嵇曾筠正
在下埽興築適河臣齊蘇勒到工諭令河員搶築
鐵心堤費省工速已於八月十二日合龍現在加
高鑲厚指日可以完竣其一帶危險工程業經屢
飭廳汛印河各官加意修防務保無虞今蒙

皇上軫念民生周詳指示

臣復謹遵

諭旨會同副河臣嵇曾筠面商令其查有卑薄堤工立

即遴員逐細確實勘估俟移咨會稿到日臣即會同具

題至於被水窮民臣原擬動撥耗羨銀兩分給賑濟
茲蒙

聖恩著動正項錢糧臣隨查常平等倉穀石以及截留
漕米并捐收米麥原因備賑而設惟截留漕米并
捐收米麥易於黷爛臣經繕摺

奏請平糶業蒙

皇上敕部議覆奉

旨依議欽遵在案今此項米麥因時值秋收價賤且民間買食者少迄今尚未糶完臣請即將前項米麥動撥賑濟加意撫恤至於買穀歸還原項之處臣查此案動用米石甚屬有限應俟明歲青黃不接將米麥糶完之日若有贏餘便可補足即無贏餘亦儘足分貯似於

國計民生均有裨益矣但是否可行臣不敢擅便伏

候

此項米麥俱經部覆有案非應摺奏之事
聖裁再臣伏查百姓地土雖有被水經過之處然幸堤

內本有積水勢甚紆緩非比先前楊橋十里店等
處決口致有衝沒臣復檄委賢員細加確查如果
有衝沒處所臣再繕摺請

旨另疏具

題不敢上厘

聖懷所有欽奉

諭旨事理及補築儀蘭二處缺口合龍完竣日期理合

一併覆

奏為此謹

奏

覽

同日又

奏為據實奏明仰祈

聖鑒事竊臣以謏劣庸材仰沐

皇上隆恩不啻天高地厚清夜環思無可圖報惟有秉
此血誠遇事據實具

奏從不敢少有絲毫欺誑以致上負

聖恩自干罪譴茲臣於雍正三年八月十一日接准山
東撫臣陳世倌來咨內稱據黃河同知牟鋈元呈
報蘭陽縣北岸板廠決口黃水橫流由曹縣衝斷
太行堤入城武縣境隨即親臨查勘自城武沿堤
而上至曹縣魏家灣太行堤被衝處所經歷數十

村莊平地水深七八尺及丈餘不等田禾民舍皆被淹沒等語同日又准直隸督臣李維鈞咨稱據大名府長垣縣知縣梁芑呈稱七月十四日有黃水一道自西南蘭陽縣地方蕭家潭口流至黃家集等處復差役探看據稱洶背河一帶黃流自西而來甚是汹涌自梁家集東北由於李集南水寬一里餘遠流入長垣縣黃家集等處幸於七月十四日黃河南岸儀蘭兩縣交界地方清凌壩決開

口門五十餘丈至十七日汕刷百丈許水流南走
黃河北岸板廠等口淤塞斷流等語臣接閱之下
不勝駭異但臣伏查蘭陽縣板廠後決口實因天
時久雨堤根內外俱有積水上淋下浸又遇狂風
驟雨遂致漫溢塌陷原非全被黃水衝激漫開缺
口臣前聞報往勘竝未掣動大溜灘已涸出驗其
初漫水痕實止二三尺不等隨據委員稟覆沿堤
往東計長二十餘里至蘭邑之傅家寨而水竭往

北約寬八里流至洮濱河而水止細查百姓田廬雖有被水之處然並未坍塌淹沒今據陳世倌咨稱流入曹縣魏家灣等處水深七八尺及丈餘不等田禾民舍皆被淹沒等語則是近堤缺口處所非水深丈餘及二丈之水不能流入曹邑如此之深且豫省近堤民房田禾非先被淹沒不能流入曹邑如是之甚又必掣動大溜流成河形然後淹沒曹邑村莊如是之多即或水勢已退地上淤泥

斷必有數尺餘深方足憑據今臣聞得曹縣芝麻集地方亦因天時久雨河水漲發水從堤上漫溢而過其魏家灣等處俱係清流竝非豫省流入之水况中隔洮濱河一道如果黃水盈溢則直隸長垣東明等縣水勢自必更甚於曹邑何以李維鈞來咨內雖有黃水流入之事竝未有淹沒百姓田廬之語豈直隸接壤之水反小而東省越境之水獨甚乎再臣查李維鈞咨稱清凌岡決開口門板

厥等口淤塞斷流等語則又似北岸之水業已斷
流而曹縣之水又復從何來且查據清凌岡離儀
封縣大寨漫口相隔六七里亦未缺口如果衝開
口門五十餘丈汕刷一百餘丈則非惟歸德府屬
之虞城考城商邱一帶皆成巨浸即江南徐州等
處亦必俱為澤國何以江南撫臣竝無一字移咨
虞考等縣亦俱各無恙也且總河臣齊蘇勒往來
三省其中有無被水之處自必目擊不知陳世倌

與李維鈞是何意見一任各屬混詳捏詞誑

奏以致上厯

聖懷臣不勝夙夜兢惕寢食難安除一面遴委能員前

赴二省逐一再加確查另摺具

奏外誠恐上厯

天心不敢不據實先為奏

聞謹

奏

陳世倌李維鈞來咨所稱水勢情形既大相懸殊何不
分具覆文與之辨析否則即將摺內陳奏之語竟行具
題聲明此事朕甚疑之

雍正三年九月十一日河南巡撫臣田文鏡謹

奏為據實覆奏仰祈

聖鑒事竊查豫省各州縣隱地一事經臣於雍正二年
閏四月初六日繕摺

奏請密諭各府知府令各州縣盡行首報一俟查出

地畝若干即詳明撫臣

題請當年起科但此項隱匿地土匪朝伊夕若按律
治罪追究積年錢糧則新舊大小各官均干重處
枝牽蔓引便無了期我

皇上聖德如天自無庸臣預為

奏請第恐格於成例以致部駁不得不先行瀆陳具
題到日仰懇

錫以寬典荷蒙

天恩俞允又奉

聖諭既往自應不咎題本到日恐朕偶爾忽畧汝仍一面具摺奏請等因欽此臣自奉到

諭旨之日即密諭各府令其轉諭各屬凡有從前欺隱在官地畝立即造冊詳報并遍貼告示宣布

皇仁曉諭百姓凡有未經首報熟地作速自首若經告發或經查出定即按律治罪勒追歷年錢糧地畝入官因而官民咸知自愛將歷年隱地陸續首報

共計折實地二千五百七十八頃九十一畝零共
該錢糧六千四百七十二兩零業經臣於雍正三
年正月十七日恭疏具

題仰蒙

聖恩准行在案但州縣各官內有聽信臣言盡數詳報
者亦有將信將疑仍然畏縮者臣復開誠曉諭令
其作速首報毋隱嗣據各州縣又續報民衛更名
地共一千六百七十一頃二十六畝零并將雍正

二年已收錢糧四千四百四十五兩零一併具稟
布政使黃焜開具稟摺轉請造報雍正二年陞科
等因到臣查雍正二年錢糧已現在造冊奏銷
而前項地畝俱係雍正三年四月內報司於七月
內稟報到臣若欲造報雍正二年起科必須具

題請

旨俟部覆到日方可造入其如奏冊已經造就勢難更
改且往返需時不免有礙奏銷臣隨一面飭司將

已收錢糧轉飭貯庫一面繕摺

奏請

皇上指示可否造報雍正三年當年起科實係臣一點
犬馬私情竝非臣敢將正項錢糧歸入存公項下
也今部議內開既稱前項地畝雍正二年已將應
納錢糧徵收何以各州縣不於二年詳報應將遲
延不報之州縣查叅等語臣思前項情節原非部
臣所能悉知而臣欲於前摺內逐細

奏明又因情詞煩冗誠恐上費

天心所以不敢分析縷

奏此實臣一時愚昧之見致蒙

皇上反覆披閱殊多不解乃復荷

聖恩不加譴責只將臣摺

諭令部臣密議奏

聞并將部臣議覆奏摺

賜發到臣似此逾格

天恩誠千古未有一時僅見臣欽承之下不勝感激涕零慚悚無地矣至於前項地畝既蒙

恩旨密議具奏可否容臣

題報雍正二年當年陞科伏乞

自應具題為是聖恩批示以便臣欽遵繕疏具

題其所收雍正二年錢糧應再另造一冊報部查核
仰祈

聖鑒再部議內開令將遲延不報之州縣查叅等語臣

查各州縣既將雍正二年錢糧徵收在庫又經臣
從前再三曉諭乃遲延至今詳報本應繕疏

題叅但各州縣自臣飭查之後實多畏罪未敢輕報
今見臣

題報開封等府屬隱地已蒙

聖恩寬宥始敢陸續首報且現在尚有詳報之各州縣
若一經查叅不特臣言不足取信并恐再有欺隱
之地盡皆隱匿不敢再報伏乞

皇上隆恩將遲延不報之各州縣免其查叅則感沐
弘慈永無紀極矣又臣前

奏確山縣已經遵例

題報至雍正十一年起科地二百二十四頃六十一
畝零每年應納錢糧一千一百六十四兩零臣請
自雍正二年至雍正十年止將應收錢糧提貯司
庫克公而部議內開何不與開封等府屬一疏具
題總以雍正二年起科等語臣查前項地畝在於

雍正元年前任撫臣石文焯任內有姦民蔡壘在撫臣衙門具詞開墾隨有流民李夫仕等到縣認墾并將民間熟地紛紛占奪嗣據上蔡縣知縣張球於雍正元年九月內署理確山縣事即出示勸諭令土著士民如有未墾地畝以及墾過熟地勒限三箇月內自行首報如逾限不報即將此地給與李夫仕等開墾在百姓誠恐李夫仕等占種即具呈報墾隨據該署縣於雍正二年冬季遵照早

田十年起科之例造冊轉報而署布政司張保查
係墾地於雍正三年正月內據冊詳報在於雍正
十一年起科臣隨同開封等府屬所報旱田十年
起科之例彙冊

題報不謂近今百姓見臣有

題報雍正二年當年陞科之事亦情願在於雍正二
年起科將二年錢糧在於三年春間爭相完納縣
庫當據現任確山縣知縣尉鍾咸於本年三月內

赴省見臣稟白前情并請將所收錢糧存貯改報
雍正二年起科臣伏思此地實不知百姓在於何
年私墾然業已

題定若再為改題疏內又不便叙入一俟陞科之年
則前報雍正十一年起科之地不免一地二糧若
疏內分析叙明又恐戶部照例駁查反滋案牘臣
隨諭令該縣既據百姓已將錢糧完納應即收存
自有著落此臣所以一併繕摺具

奏懇請

皇上指示遵循今此項地畝既經部議可以改題雍正
二年當年陞科伏乞

皇上天恩將前報確山縣雍正十一年陞科之案容臣

即於

但將情由據實聲明則日前題案即不註銷亦無礙矣
題本內聲明懇請註銷併乞

聖恩免其追究從寬結案

弘恩出自

聖裁又臣前

奏確山縣已經原任撫臣楊宗義於康熙五十九年九月內遵照六年陞科之例題報雍正三年起科地二十頃四十六畝零請將雍正二年已收錢糧提貯司庫充公今部議內開顯有以熟作墾情弊其歷年所收錢糧歸於何處著落應將從前虛報勸墾私收錢糧之員及失於覺察徇庇之各上司一併查叅并将收過未報錢糧清查勒追等語臣

查此項地畝原係久隱在官之地而各州縣見臣查察甚嚴是以不敢不據實具稟但業蒙

皇上隆恩已往不咎所以臣即向各府州縣說明只自雍正二年臣到任為始且前項地畝已於本年現在起科止有雍正二年一年錢糧似可無庸改

題伏乞

若不改題殊違規制

皇上錫以寬典并將雍正二年已收錢糧仍容臣提貯

司庫伏候

聖裁至雍正二年誤寫三年之處委係臣年老昏瞶一時疎忽伏乞

聖恩寬宥所有臣前

奏情由理合繕摺據實覆

奏謹將原奉部議奏摺一併恭繳為此謹

奏

前旨朕豈遺忘汝第就事論事按照規則據實題明朕自寬恩不加譴責也若將十年後起科之地一旦以密

摺奏朕而私徵貯庫以為地方公用天下後世不悉其中情節得無以汝之實心辦理朕之格外仁恩卒欲以安全吏民反滋無窮物議妄謂雍正某年撫臣田文鏡遵奉密諭將豫省田賦暗收若干云云成何政體餘姑不論此聚斂之名汝安可當耶斯隱地一事據常情而論似屬可取據正理而論則其中謬誤不可勝言若徹底追究不容無罪今仍應聲明原委辦理允協具疏題奏候朕從寬恕宥停其處分即州縣官亦槩免查議以

符前旨

同日又

奏為恭報秋禾收成分數以慰

聖懷事竊臣伏查豫省今歲入夏以來雖覺雨水過多
但查據低窪地畝小民惟恐被水淹沒所種多屬
高糧黍子現今盡皆收穫竝無損傷至於通省秋
禾俱已登場茲據開封府報稱所屬一十四縣收
成自六七分起至八九十分不等彰德府報稱所

屬一州七縣收成自五六分起至七八分不等衛
輝府報稱所屬九縣收成自五六分起至七八分
不等懷慶府報稱所屬七縣收成自六七分起至
八九分不等河南府報稱所屬十一縣收成自六
七分起至八九分不等南陽府報稱所屬二州十
縣收成自六七分起至八九分不等歸德府報稱
所屬一州八縣收成自八九分起至十分不等汝
寧府報稱所屬一州八縣收成自八九分起至十

分不等汝州報稱該州并所屬四縣收成自六七
分起至八九分不等陳州報稱該州并所屬四縣
收成自五六分起至七八分不等許州報稱該州
并所屬四縣收成自七分起至八九分不等鄭州
報稱該州并所屬四縣收成自七分起至八九分
不等禹州報稱該州并所屬二縣收成自九分起
至十分不等光州報稱該州并所屬四縣收成並
皆十分陝州報稱該州并所屬二縣收成自六七

分起至八九分不等以上各州縣收成分數臣復
加確查與所報無異理合繕摺奏

聞伏祈

睿鑒謹

奏

覽秋禾收成分數朕懷實為慰悅

同日又

奏為據實覆奏仰祈

聖鑒事竊臣具

奏蘭儀二處缺口黃水並未流入直隸山東二省一

摺荷蒙

硃批諭旨陳世倌李維鈞來咨所稱水勢情形既大相懸殊何不分具覆文與之辨析否則即將摺內陳奏

之語竟行具題聲明此事朕甚疑之欽此臣伏讀之

非係疑爾乃疑伊等日前之奏也錯會朕旨矣蓋謂爾
下不勝感激涕零慚悚無地但臣繕摺具

何故甘受其誣

奏之意竝非與隣省撫臣彼此構隙亦非因黃水有

無流入故為

奏辯祇緣臣接准山東撫臣陳世倌來咨因思東省
村莊如果被水如此之甚則直屬長垣等處并豫
省蘭邑附近地方居民田舍必更盡皆淹沒臣惟
恐上廛

聖懷所以繕摺具

奏也臣於接咨之日已一面具文移覆一面遴委賢
員前赴直隸山東二省據實勘查嗣據委員回稱

曹縣之魏家灣等處皆因天時久雨地勢窪下積
有雨水二三尺不等詢之土人皆云竝非黃水現
有樹木坡岸水跡可據其太行堤工亦因雨水積
深淹浸日久塌有三十餘丈又查據直隸長垣縣
之梁家集等處各村皆有積水總不過二三尺現
有坡岸樹木可驗而蘭邑板廠缺口之水彼時順
堤往北已盡歸於陶濱河內流入南陽湖矣總之
今歲入夏以來雨水過多三省地方低窪地畝皆

有積水已早蒙

聖明洞鑒自無庸臣再為

既經咨覆不奏亦可

題奏所有臣前

奏情節實係臣一點犬馬愛

主之誠竝無別意理合據實覆

奏仰祈

聖鑒謹

奏

覽

同日又

奏為欽奉

上諭事竊照豫省案准戶部等衙門咨行令查明河南
由水路北來賣給商賈麥穀數目每月繕摺奏

聞仍知會直撫等因除自康熙五十五年六月至雍正
三年七月有無赴北麥穀俱經按月奏

聞今查明八月分竝無客商由水路赴北販賣麥穀糧

石除咨會直隸督臣外理合繕摺奏

聞謹

奏

適經降諭命停此奏矣

同日又

奏為據實奏

聞仰祈

聖鑒事竊臣以一介庸愚仰蒙

皇上特達之知畀以封疆重任緣知識短淺虛糜爵祿
夙夜憂懼實無一刻敢於自安不謂臣於九月初
一日夜至三更辦理案牘之餘退就臥室偶爾失
足閃跌左膝幸骨尚未損然初時被跌血淤筋拳
痛楚難忍不能動移延至二日適糧道沈廷正至
臣署看視其人明於醫學兼有方書隨按方醫治
多有效驗數日之後漸可屈伸比前舒展臣受

皇上天恩至深極重一點竭誠報效之心鞠躬盡瘁死

而後已豈敢因此一跌遂萌偷安圖逸之想然筋
血內傷非調養百有餘日未即全愈恐慶

賀令節拜

進本章不能叩頭行禮一切公務臣雖勉力照常供
辦但封疆任重何堪卧理犬馬之私實難自安清
夜環思不禁憂心如焚寢食俱廢所有微臣失足
跌損情由不敢不據實奏

聞伏乞

聖裁謹

奏

偶爾跌傷何足為慮拜本賀節不能行禮亦屬無妨其
加意調養怡親王處有奇驗膏藥已命王交付爾之來
人帶回敷貼自當有效

雍正三年九月二十九日河南巡撫臣田文鏡謹
奏為據實覆奏仰祈

聖鑒事竊查河北鎮臣紀成斌題叅磁州營革任守備

陳丙第等侵扣兵餉一案臣接准部咨隨檄按察司審解去後嗣因鎮臣紀成斌發給照會從中阻撓且復令現任守備徐世俊於雍正三年正月十三日給頭目李邦虎等銀四十七兩又於正月十八日給管隊楊勳銀九十七兩二錢大錢十二千八百四十文令李邦虎等於審訊時供作陳丙第先經侵蝕後來畏罪吐出還帳之項以致各犯供吐游移案懸莫結業經臣繕摺具

奏奉有

硃批諭旨臣欽遵審據陳丙第供稱所扣兵餉共銀二百六十四兩零實因製造旗幟衣帽等項用去尚不敷銀三十七兩零已經賠墊竝非侵扣入已亦無短發又衆兵每名自捐銀九分共銀四十七兩零乃係營中祭祀等項公費又朋馬一項共銀八十兩又係衆兵公買馬匹之用均非陳丙第經手即訊之管隊楊勦頭目李邦虎等供吐如一

丙第所扣兵餉實與管軍官科斂人錢糧雖不入
已坐贓論罪杖六十徒一年之律相符似難擬以
侵扣入已之條至於守備徐世俊所發李邦虎等
銀兩以及紀成斌用印照會并與紀成斌有礙供
詞臣已逐一刪去除恭疏具

題外所有審明緣由理合繕摺覆

奏仰祈

聖鑒謹

奏

如此甚好知道了紀成斌才猶可用姑寬之以責後效

同日又

奏為恭報秋汛水勢情形以慰

聖懷事竊查豫省今歲秋汛自七月初一日立秋起至九月十八日霜降止因天時久雨沁黃竝長水勢浩瀚盡皆出槽漫灘除長落相抵外淨長水至五六尺或間至七八尺不等以致各處堤工在在危

險幸自七月二十三、四日以後，逐漸消落。現今水勢俱各歸槽，工程平穩，理合繕摺奏。

聞再臣更有請者：豫省加幫大堤綿亙千有餘里，其間地勢高下不一，但從前勘估之時，止論堤面堤根估計丈尺，一律加築。臣於今歲春夏秋間屢赴河干，逐一查勘，見地勢高阜者，水離堤頂尚有二三尺及四五尺不等；其地勢低窪之處，堤工丈尺雖無減少，而形如月牙，勢甚危險，有水與堤頂相竝。

者竝有漫過堤頂臨時加築子堰或下埽搶護方
保無虞者甚有先年舊堤前議加幫大堤之時竝
未估修卑矮單薄兼多殘缺即如蘭陽縣板廠缺
口亦係未估之加幫大堤臣思此等工程若不急
為加築難以防禦且臣聞江南朱家海地方自六
月十五日漫缺之後正河逐漸淤高一經堵築缺
口則水勢不能暢洩而豫省地居上游臣恐明歲
一屆桃伏秋汛黃水加長無可容受凡地勢低窪

之處更為可虞臣於本年八月初四日接准部咨
內開欽奉

上諭其一帶危險工程亦當增卑培薄預為之防等因
欽此臣遵於八月初六日前赴蘭陽縣工所即與
總河臣齊蘇勒議及前項堤工作何加築之處在
齊蘇勒亦極以臣言為是因而公同商酌議即遴
委熟諳河務廉幹能員數人細加確勘據實料估
再為

題請至所需銀兩約計十餘萬兩之數便可一律加
幫永久堅固應否動用正項錢糧分發興修抑或
即將豫省存貯公項內動撥應用如蒙

皇上弘慈允臣所請臣即知會正副總河令其主稿會
疏具

題臣再檄令藩司動撥銀兩移解河道於今冬明春
乘農務閒暇之時立即備料修築庶堤岸鞏固安
如磐石而於

國計民生大有裨益矣但臣愚昧無知是否可行伏

乞

皇上指示遵循謹

奏

此乃一勞永逸當為之舉但須詳細勘估籌酌合宜會
疏具題候旨遵行

同日又

奏為據實覆奏仰祈

聖鑒事竊查唐縣叅草知縣闕敞行賄一案前據學臣

王國棟轉傳

上諭業經臣將闕敞行賄實情據實

奏明在案嗣據承審各官審擬招解到臣臣隨照依

原叅款蹟逐一審明具

題復將其中前後情節於雍正三年三月十七日繕

摺具

奏荷蒙

硃批諭旨臣伏讀之下仰見我

皇上至聖至明無微不照茲臣於雍正三年五月初八

日接准部咨內開李廷基盤查倉穀應較明制斛
清盤何得以私帶大尺杆量算況關隴倉穀既無
虧空霉爛何用送銀求免清查明係借端勒索後
因關隴要詳報停徵又將尺杆留住李廷基恐事
敗露先行捏報之處顯然何得竟行免議等因具
題奉

旨依議欽此轉行到

臣臣

伏查關隸用賄行求實因該

縣有未報隱地而起但此種情節原非部臣所能
知是以不得不詳加指駁臣隨遵照部駁逐一覆
審其如關隸行賄之贓銀現貯司庫確鑿可據而
李廷基借端勒索以及關隸要詳報停徵心虛捏
報之處毫無足憑似難舍贓銀現據之關隸於不
問而反坐李廷基以莫須有之罪且臣查據尺杆
係汝寧府較準歷來盤查所用與制斛無異並非

私帶之大尺杆況李廷基居官不職臣已繕摺

奏明復於別案

題叅革職現在審擬是臣於李廷基絲毫不敢寬假

又豈敢徇庇開脫但臣審據闕敝一案委難將李

廷基一併擬罪除仍照前擬繕疏具

題外不得不將前後實情據實再為覆

奏為此謹

奏

內外朕皆視為一體惟理是從但須秉公審斷反覆究詰其理愈明部駁亦復何害所奏知道了

同日又

奏為奏請酌調賢員以除積弊以甦民困事竊查濬滑內黃等三縣仰蒙

皇上軫念豫省運道所經隔屬呼應不靈以致貽誤糧艘

特頒諭旨改歸豫省管轄臣隨密訪該地方情形并各

官賢否以便整飭不謂直隸與豫省地雖毗連吏治各別訪據濬縣有接受前任虧空銀三千九百兩現今大名道認補一千兩大名府知府認補一千九百兩其餘一千兩該縣已經補完滑縣有接受前任虧空銀四千五百餘兩今向監生及鹽店當舖內借補訖內黃縣有本任虧空銀二千五百餘兩今向新捐貢監及鄉紳富戶借補訖臣因各項錢糧文冊移咨原任直隸督臣李維鈞未准移

送到豫是以無憑查核糾叅又丁匠銀兩直省原
係新改攤入地糧之內但每兩止應攤銀二錢七
釐零今聞各該縣竟攤至二錢五分且正糧之外
指稱小糧公費名曰奏銷每兩另徵銀二錢五分
至三錢以及三錢三分不等火耗一項紳衿則係
加一并加一五百姓則竝皆加一六及加二不等
至於各項陋規并一切派累臣現在清查禁革此
在官之弊所當急為整飭者也若夫詞訟差票之

講牌禮投充書役之有費用衿監胥役之把持衙門歇家光棍之勾通肆害相習成風視為固然此在下之弊所當急為剪除者也臣訪聞之下不勝駭異隨檄調各該縣知縣赴省面詢有回稱昔有今無者有回稱自到任以來盡皆革除者臣復將各縣知縣細加驗看惟濬縣知縣曾振宗才有可用事亦明白滑縣知縣董琬才具中平內黃縣知縣李惇未足勝任臣思各該地方積習相沿已非

一日若將各官仍留原任不將才守兼優之員酌量調補則從前陋弊斷難一時盡革臣查鄆陵縣知縣孫國璽操守謹飭辦事明敏曾經臣

題請陞補信陽州知州未蒙

俞允現在離任候補上蔡縣知縣張球才守兼優辦事勤慎亦經臣

題請陞補汝州知州部議該員有承追虧空一案不便陞補奉

旨依議欽遵在案又查原署湯陰縣知縣楊弘緒其人
操守廉潔辦事明白士民無不悅服於雍正二年
十月內聞訃丁憂領咨回籍經臣

題請准其在籍治喪百日咨取來豫遇缺補用已蒙
聖恩俞允今雖尚未到豫臣復現在移咨催取以上三
員竝皆年力精壯才守兼優若以之調補濬滑等
縣必能剔弊除姦振興一切伏乞

皇上俯念地方緊要

特降諭旨將上蔡縣知縣張球調補濬縣鄆陵縣知縣
孫國璽補授滑縣原署湯陰縣知縣楊弘緒補授
內黃縣並將現任濬縣知縣曾振宗滑縣知縣董
玗內黃縣知縣李惇容臣在於豫省知縣缺出酌
量

題補如此一轉移間庶民困得甦而臣亦可收臂指
之效矣臣為吏治民生起見不揣冒昧繕摺

奏請伏乞

皇上睿鑒施行謹

奏

不料李維鈞吏治如此廢弛昨於伊解任後命蔡珽代署其事方知備悉殊屬可訝之至濬滑內黃等三令若果有不職處即應叅黜無庸改調此三邑又非邊要之區可比將以何詞調補況率土莫非吾民在在皆須良吏朕不便特諭施行也

同日又

奏為遵

旨覆奏仰祈

聖鑒事竊臣伏查祥符縣南北兩岸沙灘河形地畝仰蒙

皇上天恩念切民瘼特將陞任布政使楊文乾奏摺一扣

頒發到臣

命臣查奏臣欽奉

諭旨於本年六月初十日業經繕摺覆

奏訖茲值秋收已畢臣隨詳細密諭開封府知府將
楊文乾摺內所開沙灘河形地畝三千七十頃零
共該糧銀一萬五千二百五十餘兩再行逐細確
查據實開報去後今查據祥符縣之黃河南岸因
雍正元年九月內中年楊橋漫溢黃水下流地畝
被淹水去沙停原共地一千四百八十四頃五十
畝內除常墾等各社共地一千零七十二畝已經

節年耕種收穫外其甘棠等各社內通共地四百
八十三頃七十八畝現今俱未耕種又祥符縣之
黃河南北兩岸因康熙六十年武陟決口河身淤
墊黃水散漫地被淹浸變成鹹鹺原共地八百二
十六頃四十五畝內除南岸邊村等社北岸陳橋
等社共地六十八頃二十三畝俱經栽種收穫外
惟南北兩岸之南神西和等社共地七百五十八
頃二十二畝現今俱未耕種又祥符縣之黃河南

岸因康熙六十年武陟決口黃水漫溢將納糧地
畝流成河形變成浮沙原共地七百五十八頃二
十五畝零內除南岸八角等社共地三十四頃北
岸陳橋等社共地七十五頃七十畝零已經耕種
收穫外惟南北兩岸之南毛長店等社共地六百
四十八頃五十九畝現今俱未耕種以上南北兩
岸內除節年已種地畝無庸再議外實在浮沙鹹
鹼河形等項不能耕種地共一千八百九十頃五

十九畝計每年額徵地丁銀九千二百六十一兩
零漕折銀一百四十五兩零再臣伏查前項不能
耕種之一千八百九十頃五十九畝內有淹浸日
久變轉無期之地共計一千三百七十頃一十四
畝計每年額徵地丁銀六千七百一十一兩零漕
折銀一百五兩零應請援照陽武等縣陸續報墾
之例俟變轉可耕之時查明陸續報墾先照下則
起科三年後仍復原則其餘未種之五百二十頃

四十五畝計每年額徵地丁銀二千五百四十九兩零漕折銀四十兩零查據此項地畝原與好地相離不遠或因雨水頻仍浮沙減少或因雨淋味淡漸有草生或因水不漫進漸次涸出者若再加以人力翻耕將來便可漸次成熟亦應請援照陽武等縣二年後起科之例於雍正六年先照下則起科三年後仍復原則再臣查南岸之浮沙地有未完雍正二年三年地丁銀共三千九百一十四

兩零南北兩岸之沙灘地未完康熙六十六十一年并雍正元二三年地丁銀共一萬二千五十一兩零南北兩岸之河形地未完康熙六十六十一年并雍正元二三年地丁銀共一萬四十六兩零以上通計民欠未完節年新舊地丁等銀二萬六千一十三兩零查前項被災地畝既未播種

國賦從何而辦可否援照陽武等縣仰蒙

聖恩豁免之例

題請豁免庶民力得舒而

皇仁無不廣被矣所有臣奉查過祥符縣沙灘河形地畝理合分析具

奏伏乞

皇上指示應否容臣恭疏具

題臣不敢擅便為此繕摺請

旨謹

奏

援旨具疏題奏可也

雍正三年十一月初十日河南巡撫臣田文鏡謹
奏恭請

皇上聖安

朕安

覽爾題叅黃振國之疏甚屬可嘉如此方不負朕委任
之意克勝封疆重任也凡事惟中正為無弊能照此秉
公執法一無避忌放膽為去保爾永永平安受朕恩榮

不既勉之勉之倘若稍涉縱肆過於深刻又非朕見重之意矣

頃據嵇曾筠奏請養廉伊原毫無出息可資用度爾等當於地方耗羨內酌量助之為是或知伊別有進益之路則據實奏聞停其幫助

同日又

奏為恭謝

天恩仰祈

聖鑒事竊臣於雍正三年十月初四日據臣齋摺家人
回豫備述奏事人轉傳

聖諭這所奏俱係自己的事竝不是地方的事狠不是
了等因欽此臣祇聆之下自知愚妄冒昧不勝慚悚
感激無地自容伏念臣以一介庸愚叨寄封疆重
任自愧智識短淺毫無寸長報效乃疊荷

皇上隆恩至高極厚清夜環思無適而可故不禁犬馬
感激之私亟欲敷奏於

聖主之前而無一刻之敢於自安者也茲不揣愚昧冒

干

宸嚴極知罪在難逭乃復荷

皇上天恩不加罪譴曲

賜矜宥諄切

訓諭似此

浩蕩隆恩臣即捐糜頂踵亦難圖報感

恩之涕不覺自零臣惟有追悔靡極隨事益加小心敬

謹以仰副我

皇上知遇之

洪慈於萬一耳所有微臣感激微忱理合繕摺

奏謝謹

奏

從來善始者多克終者蓋寡昔年

聖祖常有諭旨督撫輩於初用時皆有可觀及至日久遂
多改變誠哉

聖祖閱歷之言人能確然堅持初志不隨境遷方稱有守
朕亦以此自勉

同日又

奏為漕運全資水利宜通源節流以濟運道事竊臣
於雍正三年八月十二日准工部咨稱九卿議覆
戶部侍郎蔣廷錫條奏前事奉

旨著派學士何國宗護軍叅領翟桑御史尤清王之琦
員外郎馬泰將蔣廷錫條奏摺內款項逐一詳看係

巡撫管轄之處會同巡撫看閱詳議具奏係河道總督管轄之處會同河道總督看閱詳議具奏欽此到臣臣伏讀之下仰見我

皇上睿慮周詳經畫曲盡濟漕惠民一勞永逸之至意欽差學士何國宗等於九月二十三日到豫省所屬之臨漳縣查看衛河臣適因左膝閃跌不能動移隨知會副河臣嵇曾筠會同閱看去後今何國宗等查看漳衛沁丹等河并各處泉源已於十月二十

九日到省與臣會議臣查據條奏所請引漳濟衛以及分沁入衛之處俱因水性極暴難以建閘不便輕開無庸詳議外臣與何國宗等再三斟酌查有輝縣所屬之蘇門山百泉河內縣所屬之小丹河安陽縣所屬之洹河雖均係入衛之水現在通流應再各開深廣以濟漕運又查據湯陰縣之湯河源輝縣之蓮花泉紫微觀泉萬泉焦泉丁公泉重泉梅竹泉修武縣之五里泉馬方泉淇縣之淇

泉安陽縣之珍珠泉并洹河源善應山泉亦現在
飭令各該地方官估計再加挑挖深通使泉水盡
入衛河濟運除將各河泉源會同詳細妥議并一
應開挖工段丈尺數目繕造黃冊另疏具

題請

旨外所有學士何國宗等查勘河泉至省與臣會議情
形理合繕摺具

奏再查何國宗等已於十一月初七日起程赴山東

臨清州去訖合併聲明謹

奏

此係專差何國宗等會同查議之事總俟伊等奏到再
定

同日又

奏為據實覆奏仰祈

聖鑒事雍正三年十月十九日臣齎摺家人回豫恭捧

到臣

奏請酌調濬滑內黃等三縣一摺奉有

硃批諭旨仰惟我

皇上自御極以來

仁恩覃被

愷澤遐敷凡屬內外大小臣工無不仰沐

弘慈加恩逾格況李維鈞身為大吏蒙

恩最渥被

眷尤隆雖竭頂踵以捐糜猶不足仰報

高深於萬一而乃負

恩作慝恣意欺罔是天下竟無可用之人而人臣亦竟無可白之誠矣臣欽承

聖諭不勝中懷義憤愈切冰淵至於臣

奏請酌調三縣之事實因濬滑內黃等縣仰蒙

皇上天恩新隸豫省若將各官遽行叅處人多不免疑臣過刻如仍留原任又恐積弊相沿一時不能盡草此臣所以不揣冒昧繕摺具

奏者也今蒙

皇上明白指示諄切教導臣不禁茅塞頓開惟有再加
密訪嚴行禁飭如果怙終不悛仍循舊習臣即據
實

題叅以副

聖懷又臣前覆

奏河北鎮臣紀成斌題叅磁州營革任守備陳丙第
等侵扣兵餉一摺奉有

殊批諭旨仰見我

皇上德合乾坤光昭日月如紀成斌之著有微勞即蒙
聖恩寬宥格外矜全從此羣工庶職莫不感激思奮夙
夜勤求以仰副我

皇上都俞吁咈之

盛治矣所有奉到原摺理合恭繳伏乞

聖鑒謹

奏

所奏俱悉朕格外寬宥之恩當令紀成斌知之

同日又

奏為據情代奏恭謝

天恩事竊臣於雍正三年十月十四日接准部咨內開

欽奉

上諭山東布政司員缺著河南按察司張保補授河南
按察司事務暫令沈廷正署理等因欽此到臣隨
行按察使張保糧道沈廷正各欽遵去後茲據沈

廷正稟稱廷正在衛輝府督辦漕糧於本月十七日接到檄文內開欽奉

上諭河南按察司事務暫令沈廷正署理欽此廷正祇奉之下隨即恭設香案望

闕叩頭謝

恩訖伏念廷正以一介庸愚由陝西延安府知府奉旨加以道銜改補西安府知府未經到任即蒙

皇上簡拔特授河南開歸河道自抵任以來雖朝夕兢

惕竭盡駑駘尚恐有慚職守今又復蒙

聖主隆恩暫令署理按察司事務聞

命自天感

恩無地於本月十八日准陞任按察使張保將按察司
印信委官送至廷正辦漕公署凜即欽遵接印署
理外竊慮臬司事務任大責重圖報益難惟有矢
竭犬馬之力恪守臣職以仰副我

皇上委任之洪恩於萬一耳所有感激微忱格於職分

無由上達而寸衷縈結又難自己仰懇代為具奏

恭謝

天恩等情到

臣

伏查道員從無代奏謝

恩之例不敢繕疏入

告而沈廷正情詞懇切臣實不敢壅於上

聞理合繕摺代為

奏謝仰祈

聖鑒抑臣更有請者糧道沈廷正委屬才守俱優之員

且為人謙和辦事詳審吏治民生無不深知熟悉
今蒙

聖主洪恩令署按察司事臣欽承

諭旨仰見我

皇上知人之明用人之當誠為千古帝王所未有凡屬

臣工莫不感奮濯磨爭思圖報臣伏查按察司一

缺係通省刑名總匯極其緊要而才守兼優如沈

廷正之員實未易多得仰懇

皇上天恩俯念地方緊要

賜將糧道沈廷正補授河南按察使不特該員感激

聖恩益思奮勉而臣得收臂指之用實感沐

皇上格外洪慈於生生世世矣臣為地方需才起見不

揣冒昧妄瀆

宸嚴是否臣言有當伏乞

聖裁臣不勝悚惶兢惕之至為此謹

奏

若得有勝似沈廷正者自然另用如不得勝似沈廷正者自即用伊此奏過矣

同日又

奏為據實奏明仰祈

聖鑒事竊查豫省沿途塘汛添蓋墩房一事臣前在布政使任內曾經繕摺

奏請動撥雍正二年耗羨銀三千兩詳委前任南汝道佟鎮估修監造嗣據佟鎮將沿途大路墩房添

蓋整齊共用過銀二千七百四兩零復經臣具

奏在案茲據布政司詳據南汝道陳世倬詳稱通省沿途大路墩房業經修葺撥有汛兵攜眷居住朝夕看守但查據各州縣地方尚有逼近深山地當扼要并村莊市鎮人煙雜沓之處俱向有營兵在汛看守其如房屋馬棚多有不敷且今歲夏秋以來雨水過多墩臺營房不無倒塌亦應即為修葺等情到臣查據各州縣應修應添墩房處所俱

關緊要隨批令布政司轉飭作速據實勘估一面
動撥銀兩發給南汝道令其親詣各州縣塘汛處
所傳集承攬工匠給發現銀買料雇夫速即修葺
毋得絲毫派及里民致滋擾累今據布政司詳據
南汝道陳世倬詳稱各屬應修應添墩房現今俱
各修葺整齊除前道佟鎮前領三千兩內剩存銀
二百九十五兩零又動撥雍正二年耗羨銀二千
三百兩令其如數轉發訖臣復移咨各鎮仍即照


數撥兵速令攜眷赴汎居住晝夜巡防外所有續
葢續修過墩房并用過銀兩數目理合繕摺再為
奏明仰祈

聖鑒謹

奏

修葢墩房固係應行之舉但聞汎兵攜眷移居之後每
軒睡至日高三丈行人叩門乞火猶然未醒欲望其雨
夜風晨以禦暴客豈可得乎似此怠惰偷安有名無實

何如止而不為以省無益之費將朕此諭轉傳兩總兵
官飭令嚴懲汎兵上緊巡防慎毋仍前疎慢否則併汝
亦加譴責不稍寬貸也



殊批諭旨卷一百二十六之六